

祥異

和氣致祥乖氣致殃天人感應之理自古不誣歷代史冊必謹書之所以示鑒戒勸修德也夫珠聯璧合澤馬山車帝王嘉瑞寔有明徵若祥桑雉雉之異亦所不諱曾子固曰災沴之來雖治世不能使之無而能為之脩一言而星退舍德可勝妖詎不信歟一邑之中亦有徵警迺休弭變誠視乎人志乘不容不詳也誌祥異

周敬王四十三年丹水壅不流 元王六年丹水三日絕不流 威烈王五年丹水出反擊擊一作潔竹書紀年

高平縣志

卷之十六

祥異

漢永康元年秋八月己亥泣氏縣地裂 舊志按漢紀永康元年八月十五日夜泣氏地裂數十丈即今王報寺庄白方等村是也省志又云考五行志作五月丙午上黨泣氏地各裂

晉太康元年春三月霜雹傷桑麥 桑方吐葉麥正揚旆農夫相與慶於野以為有年之兆未幾霜隕雨雹交作桑麥為之盡枯

永寧元年冬十月乙亥風雹折木 雹大如鷄卵自晝至夜平地幾三尺樹木盡折

元魏太平真君六年二月西幸上黨觀連理樹於泣氏

周武帝建德六年高平獲赤雀

省志

隋文帝開皇元年二月辛巳高平獲赤雀

隋書

唐肅宗乾元二年秋不雨 舊志自夏六月不雨至秋九

月禾黍一空有司發倉廩以賑貸仍告糶于懷孟

後周世宗顯德元年春三月丙午有鵲巢於縣郭之南川

舊志鵲初巢於柏樹之巔有鷓鴣爲害乃移巢于郭南

平地每巢爲雛者七八

宋真宗大中祥符元年秋七月甲子五龍躍於丹水 舊

志時方大饑民艱于食有司禱雨不應至是五龍見于

丹河之上光映數里雨澤隨降歲豐稔斗米僅數十錢

高平縣志

卷之十六

祥異

二

金熙宗天眷三年夏五月庚申地震驚死者數百人

皇統三年春二月戊子五龍復見於丹水 歲豐稔如

祥符 八月嘉禾生

元至元二十二年夏大旱歷三月空無片雲盜賊蜂起

二十九年大饑 舊志時霖雨冰雹相兼夏麥秋禾盡

廢百里皆赤地死者枕籍流離載道呻吟之聲至不忍

聞

成宗大德七年八月朔丁亥地震 舊志時夜將半大

風起須臾地震如搖櫓狀官舍民廬壞者無算

九月火起于民家延及衙舍說者謂烏鴉爲祟

一年夏四月庚戌地震 舊志先是上郡地震壞及  
宮殿至是高平地亦震自午及申如舟將覆凡三日止  
明永樂十二年秋八月朔甲子霖雨害稼

景泰元年秋七月戊午隕霜殺穀 舊志米山鎮之東  
幾二十里

天順六年歲大饑斗粟千錢民易子而食 舊志餓殍  
盈野有司收而埋之爲萬人坑相傳在城北里

成化十八年夏六月丁未大水 舊志城近西山時有  
水患至是民有見角而羊者鬪於金峯之麓水忽暴漲  
而下城郭幾爲蕩沒

高平縣志

卷之十六

祥異

三

二十年大饑民多疫死生者至相食詔遣戶部郎中移  
河南山東粟萬石賑恤仍免山西合省田租之半

弘治元年秋八月壬子大風折木 舊志或折其枝或  
拔其根雖喬棟亦然

八年蝗 舊志時知縣楊子器甫下車釀幣祀之蝗乃  
息

十二年夏旱秋復澇 舊志旱時知縣楊子器禱於淵  
靈泉得雨

正德八年夏五月胄 舊志黑胄爲災夜入人家或嘯  
於梁或坐於榻狀如青衣四境驚惶兒童輒懼死凡五

晝夜乃滅

十三年秋大水 舊志丹河漲溢臨丹河村舍數千間多損壞

嘉靖二年春三月風 舊志大風飛沙三日麥苗被壓死

五年冬十月己未地震 舊志山陵皆動百姓驚恐相與抱持伏於野不敢入室

十二年春三月癸丑雨雹 省志空倉嶺有大如輻軸者

冬十月乙亥星隕如雨 舊志初昏時恆星不見抵夜

星隕如雨任行失次南北交流未幾河南巨盜師尙召

高平縣志

卷之十六

祥異

四

兵起

三十四年民亂嫁娶 舊志時相傳採女童為仙藥民間驚惶亂婚嫁

三十七年夏四月羊頭山產靈芝入貢 舊州志

隆慶二年大有年 舊志斗米錢三十文

萬歷二年秋八月辛巳獲玉兔一 舊志時知縣李公楨清白人以為所感

十年春二月換馬鎮北山裂 山鳴凡三日裂數丈廣尺餘裂時震動數十里

十一年春二月乙卯民吳守倉妻一產三男

十三年春三月丁亥地震 三月三日也自午至夜地  
大震者三

夏五月壬寅雨雹 大者如杵自郭至南鄉二十里  
禾黍盡壞

十四年春不雨至夏六月大旱民剝樹皮以食疫病大  
興死者枕籍詔發帑賑之

舊志  
省志

十五年復大旱死亡如故

舊州志

夏三月丙辰夜雨雹 舊志時縣令楊應中禱雨於靈  
貺王得雨不報祀乃有白雲起自西北冰雹隨降壞民  
廬舍

### 高平縣志

#### 卷之十六

祥異

五

二十四年冬十二月獲玉兔二

舊州志

二十七年秋七月壬辰雨雹八月庚戌隕霜歲大饑

二十八年夏六月雨雹如拳積盈尺不消麥熟盡壞

府志

三十年夏五月店頭村地裂 河水暴漲村幾漂沒村  
後平地忽裂大穴水入其中已復合如故

三十一年秋七月唐安里煤窰雷震火光上騰高二丈  
餘周圍廣百步下熱雨尋復入窰中人不致逃謂有火  
龍潛焉

三十二年秋唐安鎮暴雨水溢壞民若有言見鱗而角  
者水內村民恐相與祭之已復河水如故

三十五年春三月有星自東流於西北去地僅二丈許  
經米山及縣城形如帚有火光

夏四月星隕於東平村墜地有聲入深數十尺口窄而  
中甚寬

夏五月濟瀆池水濁尋復清 靈泉素清至是忽濁如  
赤鄉人驚異祀以牲醴乃復清

閏六月冷氣如冬長河有霜

四十二年秋九月地震有聲如雷

四十五年秋九月彗星見至冬十一月止 初東北有  
白氣迷漫數夜至是彗星見長三丈許白氣時在四面

### 高平縣志

### 卷之十六

祥異

六

旋繞闕三月方不見

四十六年秋九月雨雪落樹皆如冰塊折傷無算凜冽  
如冬

冬十二月日暈耳凡數見

四十八年夏五月雨雹大如杵屋盡碎

崇禎六年夏大疫冬無雪

冬十月鷓鴣至 體似雌雉鼠足無後趾岐尾不能樹  
棲性慙急群飛集若蝟毛北方沙漠產也

十三年旱蝗大饑人相食

國朝順治三年秋七月大水唐安村河水橫決倍甚男婦

者溺死

六年春正月雨雪大雷有星自西北墜於地光芒數丈  
夏四月地裂

八年夏六月地震

十三年夏大旱無麥斗米一千五百文人民饑

康熙十九年八月三日雨雹大者如拳小者如卵西南  
鄉東宅回山唐安馮村馬村六里計十五村落禾稼俱  
傷

三十年夏六月旱二十日至二十五日飛蝗蔽日自南  
而北落地積五寸田禾一空起自東南劉庄雙井李門

高平縣志

卷之十六

祥異

七

至西北高良柳村通義三十五里被災獨甚

三十四年夏四月六日地震大原平汾潞澤同日震旬  
日凡數次城堞屋宇多傾壞奉

旨發帑散賑又給貧民修葺銀兩並發帑修築城垣官廨  
學宮

三十八年閏七月五日戌時大風陡起冰雹隨至魏庄  
東等村十八里禾稼傷損八九

四十六年長平驛民人李兆樂妻賈氏一產三男

雍正七年夏五月十七日雷雨交作內帶冰雹秋禾未  
損是歲大稔

乾隆二年秋七月二十六日雨雹嶺村高良三里被災  
民所借倉糧 題明緩至次年免息巡倉

九月初七日未時地震

五年閏六月十八日雨雹柳村掘山至十里舖秋禾微  
傷

七年八月三日雨雹長平德義管寨掘山等村秋稼微  
傷

九年夏六月十七日雨雹府下里府底村秋稼微傷  
十年秋七月六日雨雹換馬等四村庄秋稼微傷

十二年夏六月十一日雨雹李村西等二十九村庄秋

高平縣志

卷之十六

祥異

八

稼傷損

十二年秋醴泉出石末 注志拾遺石末村西二里許  
河隈有水一綫涓涓入於河次年春稍大色清味甘飲  
之者病皆愈土人卽泉爲沼設香案置簿來者如市縣  
令蔣受吏言謂其惑衆禁之今水猶昔過者弗問矣

十三年夏六月雨雹趙庄等四村未報災

十四年石門村民人郭雙居等十數人往北山斷煤窰  
內忽暴水湧出將窰溢漫衆逃出惟雙居在內以爲必  
淹斃隨覓工絞水出屍迨六日忽聞有救命聲又一日  
水盡見雙居未死稍甦問之云有一老翁與伊豆腐食



故不意飢後竟無恙

丁六年閏五月朔大雨山水驟發東關等五村冲沒房舍人口 題請賑恤給過銀一百三十二兩零開倉散給籽種

十八年自七月十四日雨起至十月初五日止秋稼氾濫年穀雖豐傷減二分諸河發水道路泥淖行人苦甚二十年五月十七日大風發屋拔木翠屏山二仙廟中鐵香爐吹起與殿簷齊盤旋數四而下碎之是日龍尾丹水姬萬等村大雨雹有爲雹擊死者

二十二年二月初二日丁壁村時近黃昏忽起狂風一

高平縣志

卷之十六

祥異

九

時見有二火球大如斗其色紅黃綠相兼從北滾滾而來向南徐徐而去就地行走久視漸遠不見歸落

二十二年七月下沙壁地陷壞人室廬數十所

七月二十七日大風傷稼落粒滿地

二十四年秋好妨傷稼是年四五月旱六七月澇繼之以蟲秋成薄甚穀價騰踊民食維艱

二十六年六月初七日更餘火龍見於石末初忽聞若放起火之聲有光自東而西橫亘於天約二三丈視之如天裂然雨頭有黑雲其身如一字之形其首頗大俄而其身蜿蜒起伏其尾擺動有欲墜之勢人初見疑爲

流屋久之乃覺是龍少選仍退而東首尾入雲中遂不見

二十八年十月初七日小雨一更時忽有霹靂起空中人皆驚懼以爲起龍是年雨多而不甚聞雷至冬乃有此大雷亦可異也

三十三年夏有賊一名射工不知其所自來喜見燈火入中其毒則死或有掩得之者傳觀以爲異

三十六年九月唐安里武生張純信糾衆掏挖廢煤窰次年二月至窰底工人秦之英甫入覺火氣薰蒸急出鬚髮已燒毀有陳賈社不信復入見火光自內出烟火

高平縣志

卷之十六

祥異

十

加騰直上衝天移時方熄衆將賈社救出肌肉皆焦數日而死然自此每日出煤並無妨碍土人謂卽萬曆二十一年火龍潛藏之窰今火龍已上升也

三十八年十二月寺庄鎮民張萬全妻李氏一產三男知縣傅德宜捐俸爲覓乳哺又償絹衣三領彌月後親詣驗視俱生全 國家生齒之瑞於此可見因命名曰瑞泰瑞平瑞祥特爲轉達

上聞

按壬子年拾遺記炎帝教民耒耜百穀滋阜神芝發其色靈蒿擢佳穎朱草蔓於階卿雲蕩於巖今羊頭

山下泉北有畦卽神農得嘉穀處也瑞莫大於豐年  
高平穀種之美甲於他邑斯民苟力農務本安於畝  
畝衣食毋滋戾氣以順天和將見十雨五風頻書大  
有察微洞極占驗之術亦可以不講矣太古荒畧之  
紀邈乎悠哉